

Чудинова А. Н.

Летопись Нестора

**со включением «Поучения
Владимира Мономаха»**

**Москва
«Книга по Требованию»**

УДК 93
ББК 63.3
Ч-84

Ч-84 **Чудинова А. Н.**
Летопись Нестора: со включением «Поучения Владимира Мономаха» / Чудинова А. Н. – М.: Книга по Требованию, 2012. – 204 с.

ISBN 978-5-458-25085-6

ISBN 978-5-458-25085-6

© Издание на русском языке, оформление
«YOYO Media», 2012

© Издание на русском языке, оцифровка,
«Книга по Требованию», 2012

Эта книга является репринтом оригинала, который мы создали специально для Вас, используя запатентованные технологии производства репринтных книг и печати по требованию.

Сначала мы отсканировали каждую страницу оригинала этой редкой книги на профессиональном оборудовании. Затем с помощью специально разработанных программ мы произвели очистку изображения от пятен, клякс, перегибов и попытались отбелить и выровнять каждую страницу книги. К сожалению, некоторые страницы нельзя вернуть в изначальное состояние, и если их было трудно читать в оригинале, то даже при цифровой реставрации их невозможно улучшить.

Разумеется, автоматизированная программная обработка репринтных книг – не самое лучшее решение для восстановления текста в его первоизданном виде, однако, наша цель – вернуть читателю точную копию книги, которой может быть несколько веков.

Поэтому мы предупреждаем о возможных погрешностях восстановленного репринтного издания. В издании могут отсутствовать одна или несколько страниц текста, могут встретиться невыводимые пятна и кляксы, надписи на полях или подчеркивания в тексте, нечитаемые фрагменты текста или загибы страниц. Покупать или не покупать подобные издания – решать Вам, мы же делаем все возможное, чтобы редкие и ценные книги, еще недавно утраченные и несправедливо забытые, вновь стали доступными для всех читателей.



Серия Книжный Ренессанс

www.samizday.ru/reprint

ЛѢТОПИСЬ НЕСТОРА

ПО СПИСКУ МОНАХА ЛАВРЕНТІЯ.

Се повѣсти времяньныхъ ¹⁾ лѣтъ, откуда есть пошла Руская земля, кто въ Киевѣ нача первѣе княжити, и откуда Руская земля стала есть.

Се начнемъ повѣсть сию.

По потоцѣ три сынове Ноеви раздѣлиша землю, Симъ, Хамъ, Афетъ. И яся вѣстокъ Симови: (перечень восточныхъ странъ). Хамови же яся полуденная страна: (перечень южныхъ странъ). Афету же яся полунощныя страны и западныя: (перечисленіе сѣверныхъ и западныхъ странъ).

Симъ же, и Хамъ, и Афетъ, раздѣливше землю, жребьи метавше, не преступати никомуже въ жребий братень, и живяху кождо въ своей части; бысть языкъ единъ. И умножившемся человекомъ на земли, и помыслиша создати столпъ до небесе, въ дни Нектана и Фалека. И собрашася на мѣстѣ Сенаръ поли здати столпъ до небесе и градъ около его Вавилонъ; и создаша столпъ тѣ за 40 лѣтъ, и не свершенъ бысть. И сниде Господь Богъ видѣти градъ и столпъ, и рече Господь: се родъ единъ и языкъ единъ. И съмѣси Богъ языки, и раздѣли на 70 и 2 языка, и расъсѣя по всей земли. По размѣшенъи же языкъ, Богъ вѣтромъ великимъ разруши столпъ, и есть останокъ его промежю Асюра и Вавилона, и есть въ высоту и въ ширину локоть 5433 локти, и в лѣта многа хранимъ останокъ. По размѣшенъи же столпа и по раздѣленъи языкъ, прияша сынове Симови вѣсточныя страны, а Хамови сынове полуденныя страны, Афетови же прияша

¹⁾ Прошлыхъ, прошедшихъ.

западъ и полунощныя страны. Отъ сихъ же 70 и 2 языку бысть языкъ Словѣнскъ, отъ племени Афетова, Нарци, еже суть Словѣне ¹⁾).

По мнозѣхъ же времянѣхъ сѣди суть Словѣни по Дунаеви, гдѣ есть ныне Угорьска земля и Болгарьска. И отъ тѣхъ Словѣнъ разидошася по землѣ и прозвашася имени своими, гдѣ сѣдше на которомъ мѣстѣ; яко пришедше сѣдоша на рѣцѣ иянемъ Марава, и прозвашася Морава, а друзии Чеси нарекошася; а се ти же Словѣни: Хорвате Бѣлли, и Серебѣ, и Хорутане. Волхомъ бо нашедшемъ на Словѣни на Дунайския, и сѣдшемъ в нихъ и наслящемъ имъ, Словѣни же ови пришедше сѣдоша на Вислѣ, и прозвашася Ляхове, а отъ тѣхъ Ляховъ прозвашася Поляне, Ляхове друзии Лутичи, ини Мазовшане, ини Поморяне. Такожже и ти Словѣне пришедше и сѣдоша по Днѣпру, и нарекошася Поляне, а друзии Древляне, зане сѣдоша в лѣсѣхъ; а друзии сѣдоша межю Припетью и Двиною и нарекошася Дреговичи; инии сѣдоша на Двинѣ и нарекошася Полочане, рѣчьки ради, яже втечетъ въ Двину, иянемъ Полота, отъ сея прозвашася Полочане. Словѣни же сѣдоша около езера Илмеря, и прозвашася своимъ иянемъ, и сдѣлаша градъ и нарекоша и Новъгородъ; а друзии сѣдоша по Деснѣ, и по Семи, и по Сулѣ, и нарекошася Сѣверѣ. И тако разидеся Словѣнскій языкъ, тѣмже и грамота прозвася Словѣнская.

Поляномъ же жившимъ особѣ по горамъ симъ, бѣ путь изъ Варягъ въ Греки и изъ Грекъ по Днѣпру, и верхъ Днѣпра волокъ до Ловоти, и по Ловоти внити въ Илмерь озеро великое, из негоже озера потечетъ Волховъ и вътечетъ в озеро великое Нево, и того озера видеть устье в море Варяжское, и по тому морю ити до Рима, а отъ Рима прити по тому же морю ко Царюгороду, а отъ Царюгорода прити въ Понтъ море, въ неже втечетъ Днѣпръ рѣка. Днѣпръ бо потече изъ Волковьскаго лѣса, и потечетъ на полъдне, а

¹⁾ Древ. форма, вм. Славяне (ѣ=я).

Двина ис того же лѣса потечеть, а идетъ на полунощѣ и внидетъ в море Варяжское; ис того же лѣса потече Волга на вѣстокъ, и вѣтечетъ семьдесятъ жерель в море Хвалыское. Тѣмже и из Руси можетъ ити по Волзѣ в Болгары и въ Хвалысы, и на вѣстокъ дойти въ жребий Симовъ, а по Двинѣ въ Варяги, изъ Варягъ до Рима, отъ Рима-же и до племени Хамова. А Днѣпръ втечетъ в Понетское море ¹⁾ жереломъ, еже море словоеть Руское, по немуже училъ святой Оньдрѣй ²⁾, братъ Петровъ, якоже рѣша ³⁾.

Оньдрѣю учащю въ Синопии и пришедшю ему в Корсунь, увѣдѣ, яко ис Корсуны ⁴⁾ близъ устьѣ Днѣпрское, и вѣсхотѣ поити в Римъ и проиде въ вустѣ Днѣпрское, и отголе поиде по Днѣпру горѣ, и по приключаю приде и ста подѣ горами на березѣ. И заутра вѣставъ и рече к сущимъ с нимъ ученикомъ: „видите ли горы сѣя? яко на сихъ горахъ восияетъ благодать Божья; имать градъ великъ быти и церкви многи Богъ въздвигнути имать“. И вѣшедъ на горы сѣя, благослови я, и постави крестъ, и помоливъся Богу, п сълѣзъ съ горы сѣя, идѣже послѣже бысть Киевъ, и поиде по Днѣпру горѣ ⁵⁾. И приде въ Словѣни, идеже нынѣ Новгородъ, и видѣ ту люди сущая, како есть обычай имъ, п како ся мыють, и хвоцются, и удивися имъ. И иде въ Варяги, и приде в Римъ, и исповѣда, елико научи и елико виде, и рече имъ: „дивно видѣхъ въ землѣ Словеньстѣ: идущю ми сѣмо; видѣхъ бани древены, ѣ пережгутъ я рамяно, и совлокуться, и будутъ нази, и облѣются квасомъ уснਿਆномъ, и возмутъ на ся прутье младое, и бьютъ ся сами, и того ся добьютъ, едва слѣзутъ лѣ живи, и облѣются водою студеною, и тако оживуть ⁶⁾; и то творять по вся дни немучими ни-

¹⁾ Понть-море, Черное море.

²⁾ Мѣстное произношеніе имени Андрей.

³⁾ Какъ говорятъ.

⁴⁾ Синопъ и Корсунь—греческія поселенія въ Крыму.

⁵⁾ Вверхъ по Днѣпру.

⁶⁾ Ироническое описаніе бани.

кимже, но сами ся мучать, и то творять мовенье собѣ, а не мученье“. Слышашеи же се дивляхуся. Онѣдрѣи же, бывъ в Римѣ, приде в Синопию.

Полемъ же жившемъ особѣ и володѣющемъ роды своими, иже и до сее братьѣ бяху Поляне, и живяху каждо съ своимъ родомъ и на своихъ мѣстѣхъ, владѣюще каждо родомъ своимъ. И быша 3 братья, единому имя Кий, а другому Щекъ, а третьему Хоривъ, и сестра ихъ Лыбедь. Сѣдѣаше Кий на горѣ, идѣ же нынѣ оувозъ Боричевъ, а Щекъ сѣдѣаше на горѣ, идѣ же нынѣ зовется Щековица, а Хоривъ на третьей горѣ, отъ него же прозвася Хоривица; и створиша градъ во имя брата своего старѣйшаго, и нарекоша имя ему Киевъ. И бѣше около града лѣсъ и боръ великъ, и бяху ловаща звѣрь ¹⁾, бяху мужи мудри и смыслени, и нарицахуся Поляне, отъ нихъ же суть Поляне в Киевѣ и до сего дне.

Ини же не свѣдуще рекоша, яко Кий есть перевозникъ былъ, у Кіева бо бѣше перевозъ тогда с оной стороны Днѣпра, тѣмъ глаголаху: на перевозъ на Киевъ. Аще бо бы перевозникъ Кий, то не бы ходилъ Царюгороду; но се Кий княжаше въ родѣ своемъ; и приходившю ему ко царю, якоже говорятъ, яко велику честь приялъ есть отъ царя, при которомъ приходивъ цари; идушю же ему вспять, приде къ Дунаеви, и възлюби мѣсто и сруби ²⁾ градокъ малъ, и хотѣше сѣсти с родомъ своимъ, и не даша ему ту близъ живуци; еже и донынѣ наричють Дунайци городище Киевецъ. Киеви же пришедшю въ свой градъ Киевъ, ту животь свой сконча; и братъ его Щекъ и Хоривъ и сестра ихъ Лыбедь ту скончашася.

И по сихъ братья держати почаша родъ ихъ княжене в Поляхъ, а в Деревляхъ ³⁾ свое, а Дреговичи свое, а Словѣни свое въ Новѣгородѣ, а другое на Полотѣ, иже Поло-

¹⁾ Бяху ловаща—ловили.

²⁾ Выстроилъ.

³⁾ Древлянахъ.

чане. Отъ нихъ же Кривичи, иже сѣдять наверхъ Волги, и наверхъ Двины и наверхъ Днѣпра, ихже градъ есть Смоленскъ; тудѣ бо сѣдять Кривичи. Таже сѣверъ отъ нихъ на Бѣлѣозерѣ сѣдять Веси, а на Ростовскомъ озерѣ Мери, а на Клещинѣ озерѣ Мери же. А по Оцѣ рѣцѣ, гдѣ втечетъ въ Волгу, Муромъ языкъ свой, и Черемиси свой языкъ, Морьдва свой языкъ. Се бо токмо Словѣнскъ языкъ въ Руси: Поляне, Деревляне, Ноугородьци, Полочане, Дреговичи, Сѣверъ, Бужане, зане сѣдоша по Бугу, послѣже же Величане. А се суть инии языци, иже данъ даютъ Руси: Чюдь, Мери, Веси, Муромъ, Черемисъ, Морьдва, Пермь, Печера, Ямь, Литва, Зимигола, Корсь, Норова, Либь ¹⁾; си суть свой языкъ имуще, отъ колѣна Афетова, иже живутъ въ странахъ полуночныхъ.

Словѣнску же языку, якоже рекохомъ, живуцю на Дунаи, придоша отъ Скуеъ ²⁾, рекше отъ Козаръ, рекоміи Болгаре, и сѣдоша по Дунаеви, и населници ³⁾ Словѣномъ быша. Посемъ придоша Угри Бѣлии, и наслѣдиша землю Словѣнску; си бо Угри почаша быти при Ираклии цари, иже находиша на Хоздроя царя Перьскаго. Въ си же времена быша и Обри ⁴⁾, иже ходиша на Ираклия царя и мало его не яша. Си же Обри воеваху на Словѣнѣхъ и примучиша Дулѣбы, суцая Словѣны, аще поѣхати будяше Обьрину, не дадыше въпрячи коня, ни вола, но велеше въпрячи 3 ли, 4 ли, 5 ли женъ въ телѣгу и повезти Обьрѣна; и тако мучаху Дулѣбы. Быша бо Обьрѣ тѣломъ велици и умомъ горди, и Богъ потреби я, и помроша вси, и не остана ни единъ Обьринъ и есть притѣча в Руси и до сего дне: погибоша аки Обрѣ, ихъ же нѣсть племени, ни наслѣдѣка. По сихъ же придоша

¹⁾ Перечисленіе народовъ, относящихся къ племенамъ—славянскимъ, литовскимъ и финскимъ.

²⁾ Скиѣ.

³⁾ Поселенцы.

⁴⁾ Обри—народъ рослий; самое имя у западн. славянъ служитъ нарицательн. великана. Иначе Авары.

Печенѣзи; паки идоша Угри Чернии мимо Киевъ, послѣже при Олзѣ¹⁾).

Поляномъ же живущимъ особѣ, якоже рекохомъ, сущимъ отъ рода Словѣньска, и нарекошася Поляне, а Деревляне отъ Словѣнъ же, и нарекошася Древяне; Радимичи бо и Вятичи отъ Ляховъ Бяста бо 2 брата в Лясѣхъ, Радимъ, а другий Вятко; и пришедъша сѣдоста Радимъ на Съжю, и прозвашася Радимичи, а Вятъко сѣде съ родомъ своимъ по Оцѣ, отъ него же прозвашася Вятичи. И живяху в мирѣ Поляне, и Деревляне, и Сѣверъ, и Радимичи, Вятичи и Хорвате. Дулѣби живяху по Бугу, гдѣ ныне Вельняне, а Улучи и Тиверьци сѣдяху по Днѣстру, присѣдяху къ Дунаеви, бѣ множество ихъ, сѣдяху бо по Днѣстру оли до моря, и суть гради ихъ и до сего дне, да то ся зваху отъ Грекъ Великая Скуеъ.

Имяху бо обычаи свои, и законъ отецъ своихъ и преданья, каждо свой нравъ. Поляне бо своихъ отецъ обычаи имуть кротокъ и тихъ... брачныи обычаи имяху: не хожаше зять²⁾ по невѣсту, но привожаху вечеръ, а заутра приношаху по ней что владуче. А Древяне живяху звѣринскимъ образомъ, живуще скотьски: убиваху другъ друга, ядяху все нечисто, и брака у нихъ не бываше, но умыкиваху уводы³⁾ дѣвица. И Радимичи, и Вятичи, и Сѣверъ одинъ обычай имяху: живяху в лѣсѣхъ, якоже и всякий звѣрь, ядуще все нечисто, и срамословье въ нихъ предъ отьци и предъ снохами, а браци не бываху въ нихъ, но игрища межю селы. Схожахуся на игрища, на плясанье, и на вся бѣсовская игрища, и ту умыкаху жены собѣ, с нею же кто съ вѣща-шеся; имяху же по двѣ и по три жены. И аще кто умряше, творяху тризну надъ нимъ, и посемь творяху кладу⁴⁾ велику, и възложашуть и на кладу мертвеца сожъжаху, и по-

¹⁾ При Олзѣ, отъ Олзѣ.

²⁾ Женихъ.

³⁾ Обычай умыканія, т. е. похищенія невѣсты у воды.

⁴⁾ Костерь.

семь собравше кости, вложяху в судину малу и поставляху на столпѣ на путехъ, еже творять Вятичи и нынѣ. Си же творяху обычая Кривичи и прочии погании, не вѣдуще закона Божия, но творяще сами собѣ законъ.

Глаголетъ Георгій (Амартолъ) въ лѣтописаньи: ибо коемуждо языку овѣмъ исписанъ законъ есть, другимъ же обычаи, зане законъ безаконьникомъ отечество мнится (перечисляются законы и обычаи разныхъ народовъ). Мы же хрестіане, елико земль, иже вѣрують въ святую Троицю и въ едино крещенье, въ едину вѣру, законъ имамы единъ, елико во Христа крестихомся и во Христа облекохомся.

По сихъ же лѣтѣхъ, по смерти братьѣ сея, быша обидимы Древлями и инѣми околними, и наидоша я Козарѣ сѣдящая на горахъ сихъ в лѣсѣхъ, и рѣша Козари: „платите намъ дань“. Съдумавше-же Поляне и вдаша отъ дыма¹⁾ мечь, и несоша Козари ко князю своему и къ старѣйшинамъ своимъ и рѣша имъ: „се налѣзохомъ дань нову“. Они же рѣша имъ: „откуда?“ они же рѣша: „въ лѣсѣ на горахъ, надъ рѣкою Днѣпрскою“. Они же рѣша: „что суть вѣдали?“ Они же показаша мечь. И рѣша старци Козарстии: „не добра дань, княже! мы ся доискахомъ оружьемъ одиною стороною остромъ, рекше саблями, а сихъ оружье обоюду остро, рекше мечь; си имуть имати дань на насъ и на инѣхъ странахъ“. Се же сбысться все; не отъ своея воля рекоша, но отъ Божья повелѣнья. Яко и при Фаравонѣ цари Еюпетстѣмъ, егда приведоша Моисѣя предъ Фаравона, и рѣша старѣйшина Фараона: сей хочеть смирити область Еюпетскую, якоже и бысть: погибоша Еюптiane отъ Моисѣя, а первое быша работающе имъ; тако и си владѣша, а послѣже самѣми владѣють; якоже и бысть, володѣють бо Козары Русьскіи князи и до днешняго дне.

852. Въ лѣто 6360, индикта²⁾ 15 день, наченшю Михаилу царствовати, нача ся прозывати Руская земля. О семь бо

¹⁾ Дымъ—жилье, домъ.

²⁾ Періодъ въ 15 лѣтъ.

увѣдахомъ, яко при семъ цари приходиша Русь на Царьгородъ, якоже пишется въ лѣтописаньи Гречестѣмъ. Тѣмже отселе почнемъ и числа положимъ. (Далѣе слѣдуетъ хронологія).

853. Въ лѣто 6361.

854. Въ лѣто 6362.

855. Въ лѣто 6363.

856. Въ лѣто 6364.

857. Въ лѣто 6365.

858. Въ лѣто 6366. Михаилъ царь изиде с вой бегомъ п моремъ на Болгары; Болгаре же увидѣвше, яко не могоша стати противу, креститися просиша и покоритися Грекомъ. Царь же крести князя ихъ и боляры вся, и миръ сотвори с Болгары.

859. Въ лѣто 6367. Имаху дань Варязи изъ заморья на Чюди и на Словѣнхъ, на Мери и на Всѣхъ и на Кривичѣхъ; а Козари имаху на Полянѣхъ, и на Сѣверѣхъ, и на Вятичѣхъ, имаху по бѣлѣй вѣверицѣ отъ дыма.

860. Въ лѣто 6368.

861. Въ лѣто 6369.

862. Въ лѣто 6370. Изгнаша Варяги за море, и не даша имъ дани, и почаша сами въ собѣ володѣти, и не бѣ въ нихъ правды, и вѣста родъ на родъ, и быша в нихъ усобицѣ, и воевати почаша сами на ся. И рѣша сами в себѣ: „поищемъ собѣ князя, иже бо володѣлъ нами и судилъ по праву“. И идоша за море к Варягомъ, к Руси, сиче бо тѣи зваху ся Варязи Русь, яко се друзи зовутся Свие, друзи же Урмане, Англяне, друзи Гѣте тако и си. Рѣша Руси Чюдъ, и Словѣни, и Кривичи и вси: „земля наша велика и обилна, а наряда въ ней нѣтъ; да поидѣти княжитъ и володѣти нами“. И избрашася 3 братья съ роды своими, и пояша по собѣ всю Русь, и придоша; старѣйшій Рюрикъ сѣдѣ Новгородѣ, а другой Синеусъ на Бѣлѣозерѣ, а третій Изборьстѣ Труворѣ. И отъ тѣхъ Варягъ прозвася Руская земля, Новгородьци, ти суть людье Новгородьци отъ рода Варяжска,

преже бо бѣша Словѣни. По двою же лѣту Синеусъ умре и братъ его Труворъ; и прія власть Рюрикъ, и раздая мужемъ своимъ грады, овому Полотескъ, овому Ростовъ, другому Бѣлоозеро. И по тѣмъ городомъ суть находници Варязи, а перьви насельници въ Новѣгородѣ Словѣне, въ Полотѣстѣ Кривичи, въ Ростовѣ Меря, въ Бѣлѣозерѣ Вель, въ Муромѣ Муромъ; и тѣми всѣми обладаше Рюрикъ. И бяста у него два мужа, не племени его, но боярина, и та испросистася ко Царюгороду с родомъ своимъ. И поидоста по Днѣпру, и идуче мимо, и узрѣста на горѣ градокъ и упрошаста и рѣста: „чій се градокъ?“ Они же рѣша: „была суть 3 брата, Кій, Щекъ, Хоривъ, иже сдѣлаша градокъ, и изгибоша, и мы сѣдимъ платяче дань родомъ ихъ Козаромъ“. Асколдъ же и Диръ остаста въ градѣ семъ, и многи Варяги свокуписта, и начаста владѣти Польскою землею. Рюрику же князашу въ Новѣгородѣ.

863. Въ лѣто 6371.

864. Въ лѣто 6372.

865. Въ лѣто 6373.

866. Въ лѣто 6374, иде Асколдъ и Диръ на Греки, и приидоша въ 14 лѣто Михаила цесаря. Цесарю же отшедшю на Огаряны²⁾ и дошедшю ему Червныя рѣки, вѣсть епархъ посла к нему, яко Русь на Царьгородъ идетъ, и вратися царь. Си же внутрь Суду³⁾ вшедше, много убійство крестьяномъ створиша, и въ двою сту корабль Царьградъ оступиша. Царь же едва въ градъ вниде, и съ патрярхомъ съ Фотѣемъ приде къ сущей церкви святѣй Богородицѣ Влахѣрнѣ и всю ноцъ молитву створиша, таже божественую святыя Богородица ризу с пѣсньми изнесъше в рѣку омочиша, тишинѣ сущи и морю укротившюся, абѣ буря вѣста с вѣтромъ, и волнамъ вельямъ вѣставшимъ засобъ безбожныхъ Руси ко-

¹⁾ Финское племя Вель.

²⁾ Арабы.

³⁾ Гавань цареградская.

рабля смяте, и к берегу приверже, и изби я, яко мало ихъ отъ таковыя бѣды избѣгнуги, и въсвоися възвратишася.

867. Въ лѣто 6375.

868. Въ лѣто 6376. Поча царствовати Василій.

869. Въ лѣто 8377. Крещена бысть вся земля Болъ-гарьская.

870. Въ лѣто 6378.

871. Въ лѣто 6379.

872. Въ лѣто 6380.

873. Въ лѣто 6381.

874. Въ лѣто 6382.

875. Въ лѣто 6383.

876. Въ лѣто 6384.

877. Въ лѣто 6385.

878. Въ лѣто 6386.

879. Въ лѣто 6387. Умерню Гюरिकови, предасть княженье свое Олгови, отъ рода ему суца, въдавъ ему сынъ свой на руцѣ Игоря, бѣ бо дѣтескъ вельми.

880. Въ лѣто 6388.

881. Въ лѣто 6389.

882. Въ лѣто 6390. Поиде Олегъ, поимъ воя многи, Варяги, Чюдь, Словѣни, Мерю, Весь, Кривичи, и приде къ Смоленску съ Кривичи, и прія градъ, и посади мужъ свои; оттуда поиде внизъ, и взя Любець, и посади мужъ свои. И придоста къ горамъ Киевскимъ, и увѣда Олегъ, яко Осколдъ и Диръ княжита, и похорони вои в лодьяхъ, а другія назади остави, а самъ приде нося Игоря дѣтска. И приплу подъ Угорское, похоронивъ вои своя, и посла ко Асколду и Дирови, глаголя: „яко гость¹⁾ есмь, и идемъ въ Греки отъ Олга и отъ Игоря княжича; да придѣта к намъ к родомъ своимъ“. Асколдъ же и Диръ придоста, и выскакаша вси прочии изъ лодья, и рече Олегъ Асколду и Дирови: „вы нѣста князя, ни рода княжа, но азъ есмь роду княжа,“ и

¹⁾ Купецъ.